



# АКАФИСТ

преподобному и богоносному  
отцу нашему КЎКШЕ,  
Афонскому, Киево-Печерскому,  
Почаевскому, Крещатицкому,  
Одесскому и всея Руси  
Исповеднику и Чудотворцу



**АКАФИСТ**  
преподобному и богоносному  
отцу нашему КУ́КШЕ,  
Афонскому, Киево-Печерскому,  
Почаевскому, Крещатицкому,  
Одесскому и всея Руси  
Исповеднику и Чудотворцу


**Кондак 1**

Избранный последователю Христов и  
благодатию Его исполненный/ духовный  
преемниче великих монашествующих от-  
цёв,/ молися о нас, недостойных звания  
христианскаго,/ но искренне ты о Господе  
и Богородице любящих, и тёпле поющих  
ти:/ **Р**адуйся, преподобне отче наш  
Ку́кшо,// проро́че предивный, целебниче и  
чудотворче.

**Икос 1**

**А**нгелом Творца и лю́дем Отца и Учи-  
теля Единого измла́да возлюбив, издётска  
церковь Божию со тщанием посещал еси́,





и, якоже прежде Чудотворец Николай, первым в нея входя последним из Дома молитвы исходил еси, ныне же слышиши: **Р**адуйся, великий Божий угодниче; радуйся, блаженный Богородицы избранниче. Радуйся, родителем твоим славо; радуйся, православным христианом похвало. Радуйся, обязанности сыновнии рачительно исполнимый; радуйся, крест свой вземый и последовавый за Христом. Радуйся, благое иго Спасителево приемый; радуйся, и бремя Его легкое имевый на себе. Радуйся, кротости у Господа Иисуса научивыйся; радуйся, пример смирения совершеннаго в Сыне Божиим обретый. Радуйся, родительскому дому Дом Божий предпочтый; радуйся, прилежно моливыйся в нем и Писание Священное слушаемый. **Р**адуйся, преподобне отче наш Кукшо, пророче предивный, целебниче и чудотворче.

## Кондак 2

Ви́дя от де́мона му́чимага собрата к подвижнику преподобному его препроводил еси́. И ста́рец той святы́й, страдальца исцелив, гоне́ния от ме́сти лукаваго тебе предвозвести́, яже от о́трочества твоего́ все жити́е твое терпéти имаши. Ты же пророчеству сему́ мужественно внимал еси́ взывая: Аллилуиа.

## Икос 2

Разуме́юще любовь твою к Божественному и Священному, отец и ма́ти твои благословя́ху тя, еще юношею, в Зе́млю Святу́ю паломничати, иде́же увидел еси́ нача́вшися совершати́ся над тобою Божии чудесы́, приими́ же и приноси́мыя нами похвалы́: Раду́йся, любовью́ жертвенною преисполненный; раду́йся, душу́ за ближняго положивый. Раду́йся, ко́зней демонских не убо́явыйся; раду́йся, на Господа уповая́й. Раду́йся, от зол избавления безмяте́жно ожида́вый; раду́йся, и гонения

дóбльственнó претерпéвáвый. Рáдуйся, вся помышлéния твоя Богу посвятíвый; рáдуйся, всёю крéпостию твоёю Ему порáбóтай. Рáдуйся, Распятию Христову на Голгóфе поклонивыйся; рáдуйся, благоговéнно лобызáвый Крест Христов Всечестнýй. Рáдуйся, елéем, у Грóба Животворящаго на тя чудесно излívшимся, от верху глáвы до поднóжия стоп твоих свящённо помáзанный; рáдуйся, одéтый в купéли Силоáмской нечаянно омýвыйся, на целомúдренное духовное многочáдие свыше благословéн. Рáдуйся, преподобне отче наш Кúкшо, прорóче предивный, целебниче и чудотворче.

### Кондак 3

Сíлою долготерпéния преоружён, твёрдое и долговрéменное óтчее нежелáние с тобою разстáтися и посвятítитя Господу преодолел есí, и Богу и Богородице усыновитися по благодати Святаго Духа в Афóнском удéле Пречистыя в той

же час поспешил еси́ взывая: Аллилуиа.

### Икос 3

Имея желание совершенному монашескому деланию научиться, наставника благоискүснаго и опытнаго взыскал еси́, и к старцу Мелхиседеку, трезвения и молитвы умныя делателю благодатному, с пользою для души твоея́ прилепился еси́, мы же поём ти: Радуйся, сыне богоугоднаго родителем послушания; радуйся, послуживый им с кротостию и благословение их обретый. Радуйся, Христову заповедь о любви и жителстве совершенных к себе отнесый; радуйся, любовь двуединую к Богу и людем стяжавый и чрез все житие твое в пакибытие пронесый. Радуйся, паче отца твоего земнаго возлюбивый в Троице Святей славиимаго Господа; радуйся, Матерь Приснодевственную нас ради воплотившагося Сына Божия матери твоей кровней предпочтый. Радуйся, в уделе Афонском Пре-



непорóчныя Девы подвизáтисѧ воз-  
жáждавый; радуйся, во обители свѧтаго  
великомученика и целителя Пантелеíмона  
и в скиту еѧ, Фиваíдою Новою именуе-  
мом, водворíвыйся благословением  
Игúмении Святыя Горы. Радуйся, по-  
слушнический íскус достойно прошéдый  
íноческаго пострижéния сподобивыйся;  
радуйся, по времени собою попóлнивый  
славныя и добропобедныя афонскія мо-  
нашескія полкí. Радуйся, учителя бого-  
нóснаго молитвеннаго úмнаго дéлания со-  
тщанием искíй; радуйся, отца духо-  
нóснаго, схимника и священника, мило-  
стию Божию и изволéнием Бого-  
рóдичным срéтевый. Радуйся, преподобне  
отче наш Кúкшо, прорóче предивный, це-  
лебниче и чудотворче.

#### Кондак 4

Бúрею гонения, воздвígнутаго на рев-  
ностных дéлателей непрестáннаго по-  
ка́яния, тýсяща боголюбíвых русских



іноков силою удаленá б́ыша от Святыя Горы, с н́имиже и ты, хот́й на Афоне умр́ети безвинный страдáльче, в земно́е свое Отечество возвратился еси́, пою́ще: **А**ллилуиа.

#### **Икос 4**

**С**л́ыша, я́ко уравнивают тя с нетленно покоящимися в пещерах отцáми святыми Лавры Киево-Печерския, в н́юже Промышл́ением Божиим пресел́ился еси́, высоко́умием и гордостью не уловился еси́, сé бо прахом земн́ым себе почитáл еси́, н́ине же достойно прославляешися с преподобными: **Р**адуйся, под вод́ительством о́пытным стяжáвый умную, сердечную и самодв́ижную молитву Иисусову; радуйся, апóстольскую за́поведь непрестанно мол́итися испóлнимый. Радуйся, победительно подвизáйся супрот́ив поднебесных лука́вых духóв; радуйся, непрестанно пред Богом ходáтайствуяй о прощ́ении наших зол и грехóв. Радуйся, от демонов

ненавидимый; радуйся, любвѣ Божествен-  
ная преисполненный. Радуйся, под-  
вижнике препростый, с ветіями, бого-  
словащими об Имени Божиим, не  
стязавыйся; радуйся, смиренный иноче,  
неизреченными воздыханіи Бога  
славивый, а не бедными человеческими  
усты. Радуйся, Именем Иисусовым потре-  
бивый похоти плоти и очес; радуйся, гор-  
дость житейскую всецело исторгнувый и  
бесы проженный. Радуйся, не собственною  
волею, а Божиею за послушание старцу  
твоему руководствуясь; радуйся, про-  
мыслительно преселивыйся из Афонскаго  
жребия Пречистыя Богородицы в Ея Ки-  
евский удѣл. Радуйся, преподобне отче  
наш Кукшо, пророче предивный, лечеб-  
нике и чудотворче.

### Кондак 5


Боготечно совершая подвижнический  
твой путь послушничество на иночество,  
сие же монашеством на Афоне пременил

есї, яко степенями в Гóрняя восходя, в пещерах же Киевских о ёже умрѣти миру и сподобитися схїмы великія молился есї, хотя непрестанно взывати со Ангелы: **Аллилуиа.**

### **Икос 5**

**В**идяще братия Печерская внезапу ты умирающа, восхотѣша увенчати честное монашеское житие твое пострижением в великий ангельский чин, и тако внушением Духа Святаго не точно тайное желание твое исполниша, но и исцелиша, и воскресиша ты, мы же тако зовем: **Радуйся**, чадо безпрекословнаго послушания; радуйся, достойно иночествующих собрате. Радуйся, ангельскаго чина афонский воспреемниче; радуйся, великаго ангельскаго образа в пещерах Киевских сподобльшийся. Радуйся, отверсты Небеса и славу Църкве Торжествующия молитвами старца Мелхиседека Схимника пред изгнанием твоим с Горы Святыя видевай;





радуйся, по послушанию пещерника не-  
тлѣнныя мѡщи преподобнаго Силуана  
Схимника рукама твоима держá, о по-  
стриженіи своем в той же чин действительно  
помолѣвыйся. Радуйся, душу свою за сіе  
положити жáждая и близ ужé при дверѣх  
смерти бѣвый, обновѣвый ю во Христѣ и  
спасѣй; радуйся, не яко раб и наѣмник, а  
яко чадо Божие возлюбленное сугубаго  
молѣтвеннаго дерзновения преис-  
пѡлнивыйся. Радуйся, по словесѣ препо-  
добнаго Григорія Синаѣта, подвижника  
Афонскаго, Духа Святаго благодатию ос-  
вятѣвыйся и просветѣвыйся; радуйся, во  
свѣте Христовом увѣдевый души своея  
воскресѣние прежде Воскрешѣния  
всеобщаго. Радуйся, еще на землі дѣнно и  
нощно трѣзвенно подвизáвыйся, Царю  
Небесному вѣну предстояй; радуйся,  
вѣну отвѣрсты к прошениям и славосло-  
виям твоим ушесѣ Божия имѣяй. Радуйся,  
преподобне отче наш Кукшо, пророче


предивный, целебниче и чудотворче.

### Кондак 6

**П**роповедника покаяния яко избранника Своего и праведника тя содѣлывая Господь во диаконы и священномонахи тя возвел есть, да благодатию священства преоружившися, делатель новый будеши на жатве Его, и в скорбех, и в радостех умѣющий и инья учащий пети Богу: Аллилуиа.

### Икос 6

**П**росиял еси святостию во время, мрака, лютоги и браней исполнено, сего ради и пострадал еси от богоборец: взят был еси под стражу, осужден был еси за веру, и с разбойники причтен, в пределы северо-русския сослан был еси и заточен. Занеже и: «Радуйся», – многая слышиши: **Р**адуйся, старче, душею и телом благодатный; радуйся, от юности до престарения Богу посвященный и поработай. Радуйся, подобно святому Саровскому старцу дух



мирен стяжавый; радуйся, по его же пре-  
дуказанию тысячи верных ко Господу  
приведый. Радуйся, наедине угождати  
Господеви желая и безмолвия искый,  
обаче по воле Божией на пользу братии и  
сестер подвизавыйся; радуйся, себе вни-  
мая бервно из очесе своего духовнаго ис-  
торгнувый и ясно видети научивыйся. Ра-  
дуйся, ревностно послуживый диаконом и  
пресвитером в Лавре Киевской; радуйся, и  
по закрытии святых сия обители в Слобо-  
де Воскресенской града Киева достойно  
священствовавый. Радуйся, безстрашно  
пред неверными и верными о Христе не-  
молчно свидетельствовавый; радуйся, и  
самим твоим благодатию божественною  
просветленным обличем веру истинную  
безмолвно проповедавый. Радуйся, за  
Христа судимый богоборцами и в темницу  
заключенный; радуйся, за веру свою по-  
страдавый и в стране северной каторжно  
потрудивыйся. Радуйся, преподобне отче




наш Кúкшо, прорóче предивный, целеб-  
ниче и чудотворче.

### Кондак 7

Хотящему всем челове́ком спастися  
Иисусу Христу Сыну Божию и в темни́це  
твоей священнически послужíти сподо-  
бился еси́, егда́ Честны́ми Дáры, святите-  
лем схиархиепíскопом Антонием Прозор-  
ли́вым из Киева тебе прíсланными,  
верных множество причастíл еси́, по-  
ющих Гóсподеви: Аллилуиа.

### Икос 7

Новаго Илию́ Фесвítянина в тебе  
íмамы, я́ко и тебе, гладом мúчиму, пятию́  
хле́бы, даже птенцы своя не питающим  
вра́ном у стражников твоих для тя восхи-  
щёнными и тебе принесёнными, напитán и  
от смерти избавлен был еси́. Сегó ради  
молитвенно ти зовём: Радуйся, пророку  
Божию Или́ уподо́бивыйся; радуйся,  
ревностный служителю Божий и добрый  
ра́бе Его. Радуйся, гонения и опасности



смѣртныя дѣблѣственнѣ претерпѣвый; радуйся, ненавиждящя и гонящя тя мужеством твоим препобедивый. Радуйся, яко и в твоей немощи сила Божия изрядно совершися; радуйся, ближним твоим и словом, и делом по заповеди Христовой помогай. Радуйся, постниче крайний, вольный и невольный, от глада телом яко трость ветром колеблема бывый; радуйся, духом твоим, благодатию обожненным, столп веры несумненныя явивыйся. Радуйся, до грехопадения прародителява бывшее господство над тварию во Христе Спасителе со отцы преподобными славно обретый; радуйся, яко в молитве у Господа служения вранова себе испросивый, нечестивыя гонители твоя пред чудом сим главы своя преклонити расположил еси. Радуйся, хлебом богодарованным глад нестерпимый утолвивый и умиленными сердцем и усты пред стерегущими тя яве Бога прославивый; радуйся, Божествен-

ными Телом и Крѡвию не сам себе тѡчию, но и ѳны христиа́ны, священники и ми-рѳны, напитавый и утѣшивый. **Р**адуйся, преподобне отче наш Кѹкшо, прорѡче предивный, целебниче и чудотворче.

### **Кондак 8**

**С**тра́нно бысть гонѳтелем твоим на трилѣтнее поселение в зѣмлю Пѣрмскую ты со́сланнаго, дѹхом неунывающа и телом неутомима и здрава вѳдети, яко Бог благодатию Духа Святаго силы ти обновѳ, немолчно поѳющу сердцем и усты́: **А**ллилуиа.

### **Икос 8**


**В**есь Киев град святыи и Лавра Печерская Успения Богородицы возвращению твоему на место молитвенных подвигов и трудов первоначальников монашества русскаго Антония и Феодосия преподобных возрадова́стася, и мы прера́достно тебе поем: **Р**адуйся, подвиза́йся и спаса́йся в духе кротости; радуйся, вселѣния Духа



Утѣшителя сподобльшийся. Радуйся, свѣтом Христовым верныя и неверныя озаряя; радуйся, просвещая неправедныя и праведныя освящая. Радуйся, волков мысленных и гонителей не страшивыйся; радуйся, сретаемыя тобою заблуждшия овцы словесныя правою верою исполняя и возгревая. Радуйся, щите молитвенный града Киева; радуйся, обители Киево-Печерския насельниче святой. Радуйся, схимническими труды Антонию Печерскому подражая; радуйся, святому Феодосию уподобивыйся, священническая ризы и звание игуменское достойно нося. Радуйся, братию лаврскую щедро питая и назидая; радуйся, прихожаны и паломники монастырския духовно пестовавый. Радуйся, преподобне отче наш Кукшо, пророче предивный, целебниче и чудотворче.

### Кондак 9

Всякия нужды и печали приходящих к



тебе прозорливо провидел еси́, и врачевание должное в мѣру и потребу всякаго подавал еси́, ещѣ же и от отчаяния советами богомудрыми и молитвами богоугодными избавлял еси́, и пѣти всех благ Подателю научал еси́: Аллилуиа.

### Икос 9

Ветийствованию с человеками безмолвие и дѣлание молитвенное предпочел еси́, и плоды благодатными трудов сих духовных ко Господу Иисусу многия привел еси́, яко на мужа Богу угодна на тя взирающия, недуги душевныя и телесныя врачующа и похвалу сицевую от нас приѣмлюща: Радуйся, верный Господень служителю, по дару божественныя благодати вся о всех вѣдый; радуйся, очима богосвещенными пороки и грехопадения людскія вѣдевый, страда́яй о сем и скорб́яй. Радуйся, высоту дарований твоих изрядных смиренномудрием и скромностию растворя́яй; радуйся, даже до старости

пóдвиги телесными себе изможда́я и си-  
лою духовною не оскудева́я. Радуйся, в  
Го́рняя воспаривый, грешне́йшим и худ-  
шим всех человек себе почита́я; радуйся,  
то́чию истинных рабов Божиих ча́дами  
своими о Господе имену́я и окормля́я.  
Радуйся, боголюбче, о преумножении сла-  
вы Божией и о е́же достойным всем Гос-  
пода бы́ти пеки́йся; радуйся, братолюбче,  
во уверение монашествующих и миря́н  
неленостно потрудивыйся. Радуйся, све-  
тосия́ния сподо́бльшийся, многия помра-  
ченныя грехом очистивый; радуйся, свя-  
тостию своею многия к вере правой  
приведый и утвердивый в ней. Радуйся,  
врачу безме́здный; радуйся, целителю  
благодатный. Радуйся, преподобне отче  
наш Ку́кшо, проро́че предивный, целеб-  
ниче и чудотворче.

### Кондак 10


Спасению из ближних и дальних весей  
притекающих служил еси́, и богоборцами,

ожесточившимися на тя за сие, из Лавры Киевския в Почаевскую сослан был еси, и, яко птица словесная с Афонския Горы в горы Киевския некогда, на Гору Почаевскую воспарил еси пети Богу: Аллилуиа.


### Икос 10

Стене неборимой – Почаевской чудотворной иконе Богородицы многожды при поклонении братии и мирян предстоя лучами сияния ея благодатнаго просветился еси, и неизреченными ароматы райскими от нея облагоухался еси, ныне же святым обители сия почитаешися и слышиши: Радуйся, вторицею из Киевскаго удела Пречистыя Приснодевы правды ради изгнанный; радуйся, Христа ради поношения и злословия гонящих тя грешников нераскаянных и завистников безропотно претерпевай. Радуйся, из матери градов русских в землю Волынскую Божественным Промышлением и изволением Богородицы препровожден; радуйся,





сугубою благодатию Их зде посещаемый и утешаемый. Радуйся, пред образом препрославленным Владычицы Небеси и земли и Богомладенца Иисуса многожды колена преклоняяй; радуйся, при целовании Их братиею Почаевскою и богомольцами иконе сей цельбоносней аки страж предстояй. Радуйся, моливыйся Спасителю нашему и Марие Богоневестной и Приснодевственной за всех, с верою к Ним притекающих; радуйся, помощи чудесныя страждущим, бесов прогнания и исцелений свидетелю благодатный и соучастник. Радуйся, водою святою, от стопы нерукотворенныя на месте явления Богородицы, в столпе огненном древе бывшем, предивно источаемою, лице твое омываяй и жажду утоляяй; радуйся, явление святого Иова, игумена Почаевского при служении Литургии Божественныя близ мощей его нетленных в храме ему посвященном сподобльшийся. Радуйся,



грешников кающихся безчисленное множество исповѣдываый, властью, тебе Богом данною, прощáяй их и от грехов разрешáяй; радуйся, в Та́инстве Причащѣния Тѣла и Крóви Христовых верныя пита́яй и к животу вечному предуготовля́яй. Радуйся, преподобне отче наш Кúкшо, прорóче предивный, целебниче и чудотворче.

### Кондак 11

Пение хвалебное я́ко отцу их преподобному и в Крещáтицкой обители Буковíнской слы́шиши, сé бо из Почаевския Лавры сýду сóслан был есѝ, и место сие молитвами и бдѣнии твоими освятѝл есѝ, во время же гонений новых в Одесский патриáрший монастырь преселѣн, взывал есѝ: Аллилуиа.

### Икос 11

Светлыми лучами Афонския иконы Божия Матери «Млекопита́тельница» согревался есѝ послѣдняя четыре лѣта твоего земнаго пути, и Кáсперовскому чудо-

творному образу Богородицы с радостию поклонялся еси сыновне великия святыни сия града Одессы чествуя, сего ради тако тебе поем: **Р**адуйся, на горе надднестровской в обители святого апостола Иоанна Богослова вселившийся и подвижавыйся; радуйся, место сие пустынное возлюбивый и новым Афоном своим зовый. Радуйся, ктиторе святой, церковь Покрова Божия Матери zde воздвигнувый; радуйся, молитвенниче благословенный и дерзновенный, преукрасивый сию и облагодатствовавый. Радуйся, телесно отсюда изшедый, но духом твоим место сие объемяй и молитвами ограждаяй и благословляяй; радуйся, храмом Божиим, в память твою в обители сей устроенным, почтенный ныне и препрославленный. Радуйся, православному люду земли Одесския пришельствием твоим возвеселивый; радуйся, христоненавистники и враги Божия преогорчивый сим и обез-

си́ливый. Радуйся, о трапéзах духовных и вкушении утешения с предстоятелем при-снопамятным Церкви Русския Алексíем Первым в Крещáтике прорóчествовавший; радуйся, в Свято-Успéнской Одесской обители патриáршей собеседником и духовникóм егó стáвый, сослужíвый с ним и хлéбы его с ним ядýй. Радуйся, властью богоборческою теснимый, но тóчию Господу угождáяй и рабом Его, к тебе притекающим, посóбствуй; радуйся, кроткий угóднице Божий и безсрéбреннице щедро-подáтельный. Радуйся, преподобне отче наш Кúкшо, прорóче предивный, целебнице и чудотворче.

### Кондак 12


Благодатию Божию ще́дро одарён, чудесы́ многия на пользу душ приходящих и приезжающих в обитель Одесскую Успения Божия Матери совершал еси́, и веру правую в видевших да́ры сия́, зна́емому их и ближнему их низпóсланныя,



утверждал еси, с тобою поющих: Аллилу-  
иа.

## Икос 12

Поюще предсмертныя подвиги твоя и  
Господом благословенныя ти в болезни  
страдания, долготерпению и кротости  
твоим, и жажде молитвы храмовыя удив-  
ляемся, и яко чада и внуки твоя духовныя  
пред ракою мощей твоих цельбоносных  
преклоняемся, и сие молимся ти: Радуй-  
ся, бесами одержимых работы вражия  
свобожда́я; радуйся, ослабленных и  
недвижимых возставля́я и укрепля́я. Ра-  
дуйся, неисцельно недугующих исцеля́я;  
радуйся, врачами отверженных умираю-  
щих оживотворя́я. Радуйся, все житие  
твое не имый, где главу́ долговременно  
приклонити, страдания мученическа за  
старческое попечение твое пред отшест-  
вием к Богу вкусивый; радуйся, труж-  
дающуюся для братии обители чадо твое  
духовное, старицу схимонахиню посе-



тѣвѣй и в келию шѣдый, стегно́ себе пре-  
ломѣвѣй и на смертный твой одр возле-  
гѣй. Радуйся, мужества преисполненный,  
место и обстоятельства безвре́менно  
спѣшнаго погребения твоего предвѣдевый  
и прозорливо предукáзываяй; радуйся,  
три́десять лет честнѣми остáнки своими в  
земле монастырской покóивыйся и пер-  
вым в собóре святых, Одесскими именуе-  
мых, обрѣтенный. Радуйся, в лице отцѣв  
преподобных земна́го Отечества твоего  
пѣрвее просиявѣй, ны́не же всею Русскою  
Церковию я́ко Исповѣдник прославлен-  
ный; радуйся, сокровищницу духовную  
святыхъ вѣлиих града сего и обители, тя  
упокóившия, собою преумно́живый. Ра-  
дуйся, мощáми твоими святыми с нами  
пребывáяй и десни́цу твою лобызáющих  
благословля́яй; радуйся, молениям нашим  
внемáяй и кúпно с твоими ходáтайствы  
Господу с Богородицею их приносѣ́й. Ра-  
дуйся, преподобне отче наш Кúкшо, про-

роче предивный, целебниче и чудотворче.

### Кондак 13

О, преподобне отче наш Кúkшо, внегда оставил еси отеческий твой дом, сугубым избранником Господа и Богородицы стал еси, и от юности твоя до старости достойно Им послужив, вину с любовью взывал еси, ныне со Ангелы взываеши и нас взывати научаеши: Аллилуиа.

*Сей кондак глаголи трижды, и паки:*

### Икос 1

Ангелом Творца и людем Отца и Учителя Единого измлада возлюбив, издетска церковь Божию со тщанием посещал еси, и, якоже прежде Чудотворец Николай, первым в нея входя последним из Дома молитвы исходил еси, ныне же слышиши: Радуйся, великий Божий угодниче; радуйся, блаженный Богородицы избранниче. Радуйся, родителем твоим славо; радуйся, православным христианом похвало. Ра-

дуйся, обязанности сыновнии рачительно  
исполнивый; радуйся, крест свой взёмый  
и последовавый за Христом. Радуйся, бла-  
гое иго Спасителяво приёмый; радуйся, и  
брёмя Его лёгкое имёвый на себе. Радуйся,  
кротости у Господа Иисуса научивыйся;  
радуйся, пример смирения совершеннаго в  
Сыне Божиим обретый. Радуйся, роди-  
тельскому дому Дом Божий предпочтый;  
радуйся, прилежно моливыйся в нем и  
Писание Священное слушаый. Радуйся,  
преподобне отче наш Кукшо, пророче  
предивный, целебниче и чудотворче.

### Кондак 1

Избранный последователю Христов и  
благодатию Его исполненный/ духовный  
преемниче великих монашествующих от-  
цёв,/ молися о нас, недостойных звания  
христианскаго,/ но искренне ты о Господе  
и Богородице любящих, и тёпле поющих  
ти:/ Радуйся, подобне отче наш  
Кукшо, пророче предивный, целебниче и




чудотворче.

### Молитва

О, преподобне и богонóсне отче наш Кúкшо, Святыя Горы́ Афонския, Крещáтицкаго монастыря святаго апостола и евангелиста Иоанна Богослова и три́ех обителей Успения Божия Матери: Киевския, Почаевския и Одесския славо немеркнущая и пресветлая похвалó!

Из безвестности и бедности в юности призв́ан был ес́и на служение Господу, и Казанским óбразом Пречы́стыя Богородицы мáтерию твоею богобоязненною и боголюбивою на подвиг монашеский благословéн, супрот́ив похоти плоти, похоти очéс и гордости житейския самоотверженно преоруж́ился ес́и, ведая, я́ко брань христи́аном не супрот́ив плоти и крови, а супрот́ив начальств, и властей, и миродерж́ителей века сегó, невидимых, но неусыпно и ощут́ительно на нас напáдающих, предлеж́ит. Мнóгая



злострадания и гонения непрестанные все житие твое мужественно терпел и добropобѣдно претерпел еси́, видя на себе самѣмъ, яко воистину сила Божия совершается в человеческой немощи.

Смиреномудрия и кротости исполненный, преизобильную благодать Святаго Духа на себе привлекл еси́, и в сердце твое, предочищенное от страстей, яко в храм живой, таинственное Божественное вселение приял еси́, даров пророчества, цельбы и чудотворения сподобивыйся.

Еще же и тела твоего освящения и сохранения святых мощей твоих благодать обрел еси́, сего ради пред ними тебе поклоняемся, щедроподательную помощь Божию приемлюще и истинно уверяющеся, яко много может молитва богоугодная твоя, отче святый, во благая нам поспешествующая.

Не лишай же нас и впредь твоея милости: прощения согрешений наших испро-

си, недуги исцели, от плена бесовскаго и тлена страстей, нас мучающих и губящих, свободи, и в час кончины нашея прииди к нам и помози, да спасение улучим, и с тобою хвалим, славим, величаем и поём в Троице Святей славиимаго Бога нашего Отца Безначальнаго, Сына Единороднаго и Духа Святаго Животворящаго в безконечныя веки веков.

**А**МИНЬ.

